


Leksyon 2

**GIBUHAT SA DIOS ANG
KALIBUTAN NGA IMONG
GIPUY-AN**



Tun-i kini mahitungod sa Dios

Ang Dios makabuhat sa butang nga dili mabuhat sa lain.

Ang Dios makahimo--makabuhat ug usa ka butang nga walay pagamit sa bisan un-
sa nga butang.

Gibuhat sa Dios ang kalibutan sulod sa unom ka adlaw.

Gibuhat sa Dios ang maayong kalibutan aron imong pagapuy-an.

Gibuhat sa Dios ang unom ka adlaw aron ang tawo magapamuhat ug usa ka adlaw
aron igapahulay.

Gitug-anan ikaw sa Dios sumala sa Genesis giunsa Niya ang pagbuhat sa kalibutan.
Ang Genesis maoy unang basahon sa libro sa Dios--ang Biblia.



Basaha kini gikan sa Biblia
Sublia pagbasa makalima

**Sa sinugdan gibuhat sa Dios ang mga langit
ug ang yuta. Genesis 1:1**

Makabuhat ba ikaw niini?

Isulat ang mga litra sa linya.

1. Unsa man ang mabuhat sa Dios nga dili mahimo sa uban?
Ang Dios m... .. ug butang nga walay pagamit
ug laing butang.
2. Diin ka man tug-anì sa Dios kon giunsa Niya sa pagbuhat ang kalibutan?
Diha sa G nga mao ang unang bahin sa B

Mga Tubag

1. Makabuhat

2. Genesis, Biblia

Gibuhat sa Dios ang kalibutan sulod sa unom ka adlaw.

Giplano sa Dios ang usa ka kahibulongang kalibutan nga pagapuy-an sa katawhan.

Una sa tanan walay bisan unsang hulagway ang kalibutan.

Mangitngit kadto labaw pa kadulom sa kinadulmang kagabhion.

Unya milihok ang Dios ug ang kalibutan nakabaton ug hulagway.

Misulti ang Dios ug mitungha ang kahayag.

Matag sulti sa Dios dihay Iyang nabuhat nga butang.

Handurawa nga ikaw nagasud-ong sa Dios nga nagabuhat sa kalibutan.

Paghimog badlis ilalom sa mga pulong nga gialihan niining duha ka mga timaan •ngadto•

Kini makaplapan gikan sa Genesis diha sa unang bahin sa Biblia.

Ang unang adlaw



•Ug miingon ang Dios, “Mahimo ang kahayag.”•

Gibuhat sa Dios ang adlaw ug ang gabii.

Ika-duhang adlaw



•Ug miingon ang Dios, “Mahimo ang usa ka inalisngaw sa taliwala sa mga tubig, ug pagabahinon ang mga langit nga diha sa ibabaw sa hawan ug ang yuta diha sa ubos.”

Gilain sa Dios ang langit gikan sa mga tubig.

Ika-tulong adlaw



- Ug miingon ang Dios, “Mahimo ang mga tubig ubos sa kalangitan nga matigom ngadto sa mga kadagatan.”•

Gibuhat sa Dios ang yuta, dagat, kakahoyan ug mga kabulakan.

Ika-upat nga adlaw



- Ug ang Dios miingon, “Mahimo ang mga masulaw nga kahayag sa kalangitan.”•

Gibuhat sa Dios ang adlaw, bulan, ug mga bitoon.

Ika-lima nga adlaw



- Ug miingon ang Dios, “mahimo ang mga isda sa kadagatan ug . . . ang kalangitan mapuno sa mga kalanggaman.”•

Gibuhat sa Dios ang tanang mga isda ug mga langgam.

Ika-unom nga adlaw



- Ug miingon ang Dios, “Mahimo ang tanang matang sa mga mananap diha sa kayutaan.”•

Gibuhat sa Dios ang tanang mga mananap.

- Ug miingon ang Dios, “Buhaton nato ang tawo— sama sa atong dagway.”•

Gibuhat sa Dios ang unang lalaki ug ang unang babaye.



Gibuhat sa Dios ang kalibutan aron imong kapuy-an.

Gitan-aw sa Dios ang tanang butang nga Iyang nabuhat.
Ang tanang butang lonlon maayo. Ang kalibutan matahum.
Ang Dios nalipay gayud.

Gihimo sa Dios ang unom ka adlaw alang sa pagpamuhat ug usa ka adlaw alang sa pagpahulay.

Sa ika-pito ka adlaw ang Dios mipahulay.
Iyang gihimo ang ika-pitong adlaw nga adlawng
igpamahulay.
Gihimo sa Dios ang adlaw nga igpamahulay
alang kanato.

Magapamuhat kita sulod sa unom ka adlaw sa
usa ka semana.

• Moadto kita sa balay sa Dios
(simbahan) sa adlaw nga atong igpamahulay.
• Nagaadto ka ba sa balay sa Dios (simbahan)?

• Sulod sa balay sa Dios (simbahan) kita makigsulti sa Dios ug
magtoon mahitungod Kaniya.

Kita makigsulti usab sa Dios diha sa atong panimalay sa
diha nga kita nagaampo.

Nalipay ka ba nga ang Dios nagbuhat niining matahum nga kalibutan?
Nakapasalamat ka na ba sa Dios tungod sa Iyang pagbuhat kanimo?
Ton-i kining usa ka pag-ampo ug isulti ngadto sa Dios.

Pag-ampo

Salamat Kanimo, O Dios, tungod sa tibuok kalibutan,
Tungod sa Imong pagbuhat sa tanang mga butang nga akong nakita,
Tungod sa mga adlaw nga mahimo ang mga bulohaton ug sa adlaw nga
igpamahulay;

Ug salamat Kanimo, O Dios, sa Imong pagbuhat kanako.



Karon sulati ang imong Talaan sa Tinun-an alang sa Leksyon 2.

INTERNATIONAL CORRESPONDENCE INSTITUTE
PHILIPPINE NATIONAL OFFICE, P.O. BOX 1084, MANILA

2**GIBUHAT SA DIOS
ANG KALIBUTAN NGA
IMONG GIPUY-AN****KALINGAWAN NGA IMONG PAGABUHATON**

Pag guhit (draw) bisan unsang butang nga gibuhat sa Dios. Sulod sa matag kahon pag guhit (draw) ug usa ka hulagway sa usa ka butang nga gibuhat sa Dios nianang adlaw. Mahimo usab nga sa laing papel una nimo iguhit ug unya ipapilit lamang sa tukma nga kahon.

Unang Adlaw**Ika Duhang Adlaw****Ika-tulong Adlaw****Ika-Upat nga Adlaw****Ika-Lima nga Adlaw****Ika-Unom nga Adlaw**

Badlisi libot sa numero nga tukma sa pagbuhat sa Dios sa kalibutan.

1. 1 6 10 8 365

Tubaga kini nga mga pangutana?

2. Unsa man ang gibuhat sa Dios sa ika-pito nga adlaw?
3. Aduna bay balay sa Dios, o simbahan, haduol sa imong ginapuy-an?
4. Nagaadto ba ikaw sa balay (simbahan) sa Dios?
5. Nakapasalamat ka na ba sa Dios sa Iyang pagbuhat kanimo?

Gawas sa imong balay ug tan-aw sa imong palibut. Isulat ang ngalan sa mga butang nga imong makita nga mga binuhat sa Dios.

- | | |
|---------|----------|
| 1. | 6. |
| 2. | 7. |
| 3. | 8. |
| 4. | 9. |
| 5. | 10. |

Nakapasalamat ka na ba sa Dios tungod sa Iyang pagbuhat niining mga butanga?

Kon wala pa nimo mabuhat kini buhata karon dayon.

Imo na ba nga gibuhat ang tanang bulohaton niining maong leksyon?

Minuldiha sa malinaw gayud ang pagsulat sa imong ngalan

Grado

Ang imong papel sa pasulit pagahatagan ug grado ug ipadala balik kanimo, kauban sa sunod nimgong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE
PHILIPPINE NATIONAL OFFICE—P.O. BOX 1084, MANILA